

2025eko Kirol ekintzen dirulaguntzen ohiko eta ezohiko ekintzen, ekintza berezien eta formakuntza dirulaguntzen oinarri arautzaileak.

2025eko Kirol ekintzen dirulaguntzen ohiko eta ezohiko ekintzen, ekintza berezien eta formakuntza dirulaguntzen oinarri arautzaileak.

1. Helburua.

Deialdi honen helburua da, Hernaniko Udalerrian Kirol arloko dirulaguntzak ematea hainbat kirol programa, jarduera eta ekitaldi antolatzeagatik. Kirol jarduera horien xedea da herrian kirola sustatzea, eta ez dute irabazi asmorik izango. Gainera, kirol arloan interes orokorrekoak izan beharko dute.

Dirulaguntza hauetan kontuan izango da Hernaniko Udalaren dirulaguntzak arautzen dituen Ordenantza, 2023-2025erako diru laguntzen Plan Estrategikoa, Araudiaren 7. artikuluan xedatutakoa garatzeko ematen dira.

2. Aurrekontua eta programa

Programa honen bidez deitutako dirulaguntzen zenbatekoa 81.000 euro izango da, eta 2024-2025eko Hernaniko Udaleko 1 2010.481.01.341.00 2025 aurrekontu partidaren kargura, eta lehiaketa bitartez "Dirulaguntza: kirol ekintzak" partidari dagokionez kontabilizatuko da. Dirulaguntza ondoko lerroetan banatua dago:

- A) 1. lerroa: Ohiko dirulaguntzak (65.000 euro).
- B) 2. lerroa: Ezohiko dirulaguntzak (6.000 euro).
- C) 3. lerroa: Kirol ekitaldi eta jarduera berezien eta formakuntza dirulaguntza (10.000 euro).

3. Onuradunak

Dirulaguntzen lerro bakoitzeko programa espezifiko bakoitzean daude definituta nor diren onuradunak

4. Baztertuak

Deialdi honetako aplikazio eremutik kanpo geratuko dira ondoko jarduerak:

- a) Dirulaguntzei buruzko azaroaren 17ko 38/2003 Lege Orokorreko 13.2. eta 3. artikuluetan aurreikusitako gertaeraren bat jasotzen dutenak.
- b) Hernaniko Udaleko jarduera eremuekin erlazio zuzenik ez duten helburuak edota izaera dituztenak.
- c) Edozein motako zerga-betebeharrak betetzen ez dituzten entitateek eta elkarteek aurkeztutako eskaerak, herri izaera eta gizarte segurantzaren barne. Egiatza-penak administrazioak egingo ditu.
- d) Udalak hala eskatuta, aurreko deialdietan emandako dirulaguntzei buruzko edozein dokumentazio oraindik eman gabe duten jarduera edota programa bati buruzko eskaerak ez dira kontuan izango.
- e) Emakumeen eta Gizonen Berdintasunerako 3/2007 Lege Organikoa betetzen ez dutenak; 1/2023 Legegintzako Dekretua, martxoaren 16koa, Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzetarako Legearen testu bategina onartzen duena..
- f) Ez dira aintzat hartuko beren jarduera publikoetan indarrean dagoen legea (jaiotza, arraza,

sexu, erlijio iritziagatik diskriminazioaren debekua) betetzen ez duten elkarte edo klubaren eskabideak.

5. Eskabideak aurkeztea

Dirulaguntza eskatzeko, eskari ofizialak erabiliko dira, behar bezala beteak eta sinatuak. Eskara- orriak udal erregistroan sartu behar dira.

Dirulaguntza lerro bakoitzeko dagokien eranskinak bete behar dira

Eskaerak eta dokumentazioa aurkezteko lekua:

- Aurrez aurre, HHZ – Herritarren Harrera Zerbitzuan, Udaletxeko beheko solairuan. Astelehenetik ostiralera: 08:00-13:30 (astarte eta ostegunetan, 14:30-18:30 ere).
- Internet bidez: www.hernani.eus helbidean.

Dirulaguntzen lerro bakoitzeko programa espeziko bakoitzean zehazten dira eskabide motak.

6. Epea.

Aurkezteko azken eguna: Gipuzkoako ALDIZKARI OFIZIALEAN deialdia agertzen den unetik 15 egun natural. Dokumentazioa eskuratzea, informazioa eta eskaeren aurkezpena: Hernaniko udal erregistroan edota Hernaniko web gunean.

Entitate eskatzaileak aurkeztutako dokumentazioa osorik ez dagoenean edota oinarri hauetan exijitutako baldintzak betetzen ez dituenean, akats formalak zuzentzeko edota beharrezko dokumentuak aurkezteko hamar egun baliodun emango zaizkio. Hala egiten ez badu, eskaera bertan behera geratzen dela jakinaraziko zaio, eta eskaera tramite gehiagorik gabe artxibatuko dute indarrean dagoen araudiaren arabera.

Ale bat entitate eskatzailearen eskuetan geratuko da, eta bestea Hernaniko Udaleko Sarrera Erregistroan bertan.

7. Eskaerak ebaluatzeko irizpideak

Dirulaguntzen lerro bakoitzeko programa espezifiko bakoitzean zehazten dira eskabideak ebaluatzeko irizpideak.

8. Dirulaguntzen ordainketa

Dirulaguntzen lerro bakoitzeko programa espezifiko bakoitzean zehazten dira ordaintzeko bideak.

9. Publizitatea.

Diruz lagundutako jarduerari publizitatea egiten zaienean, jarduera bultzatu duen pertsonak edo erakundeak Hernaniko Udalaren laguntza jaso duela adierazi beharko du, irudi korporatiboaren arauen arabera.

Horretaz gain, proiektuari, programari edo jarduerari lotutako iragarki eta komunikazioetan hizkuntza eta irudien erabilera ez sexista bermatuko da. Bereziki pertsonen irudiak erabiltzekotan, emakumeen eta gizonen presentzia modu orekatuan eta ez estereotipatuan jaso behar da. Lagungarri gisa Udaleko web orrian zintzilikatuta dagoen gida: Komunikazio berdinazalerako jarraibideen gida.

10. Ebazpen epea eta administrazioaren isiltasuna.

Ebazpenak emateko eta jakinarazteko gehieneko epea 3 hilabetekoa izango da, eskaerak aurkezteko epea amaitu eta hurrengo egunetik hasita. Edonola ere, dagokion epea amaitutakoan ez bada ebazpena jakinarazi edo argitaratu, eskatzaileek eskaera ezetsitzat jo beharko dute, administrazioaren isiltasunagatik. GAO 2023-04-28 (11 orrialdea)

Emandako dirulaguntzak Entitateko iragarki taulan argitaratuko dira, ebazpenaren zati bat Gipuzkoako ALDIZKARI OFIZIALEAN argitaratuta. Emandako laguntzak, banaka aztertuta, 3.000 euro baino gutxiagokoak badira, nahikoa izango da Kiroldegiko iragarki taulan argitaratuta.

Eskatutako dirulaguntzak eman direla edota ez adierazten duen ebazpen adieraziarekin amaitzen da administrazio bidea, eta jakinarazpena jaso eta hurrengo egunetik hasita, bi hilabeteko epea egongo da ebazpen horren aurkako administrazioarekiko auzi errekurtsua aurkezteko Gipuzkoako Administrazioarekiko Auzietako Epaitegian. Nahi izanez gero, eta administrazioarekiko auzi errekurtsua baino lehen, birjartzeko errekurtsua jarri ahal izango da, ebatzi zuen organo beraren aurrean.

11. Ez betetzea.

Oinarri hauetan zehaztutako baldintzak betetzen ez badira dirulaguntzen berrikusketa egingo da, eta hala dagokionean, emandako kopurua ezeztatuko edota murriztuko da, edota jasotako kopuru osoa zein zati bat itzuli beharko da, dirulaguntzei buruzko udal araudian zehaztutako moduan.

Dirulaguntzak itzultzeko prozesua ofizioz hasiko da, laguntza edota dirulaguntza eman duen organoak eskatuta. Prozesuaren tramitazioan interesatuak entzuna izateko duen eskubidea bermatuko da.

12. Interpretazioa.

Hernaniko Udaleko Jarduera Fisiko eta Kirol Sailak urtean zehar jarraipena egin dezake, aurkeztutako dokumentazioan jasotakoa egiazkoa dela ziurtatzeko.

Oinarri hauen interpretazioan zein garapenean sor daitezkeen zalantzak Hernaniko Udaleko Jarduera Fisikoa eta Kirol delegatuak argituko ditu.

Ale bat entitate eskatzailearen eskuetan geratuko da, eta bestea Hernaniko Udaleko Sarrera Erregistroan bertan.

13. Berrikusketa

Araudia urtero berrikusiko da.

KIROL EKINTZEN OINARRI ESPEZIFIKOAK

1. ETA 2. LERROAK: 2024 - 2025 DENBORALDIKO KIROL EKINTZEN OHIKO ETA EZOHIKO DIRULAGUNTZAK

1. Helburua

Deialdi honen helburua Hernanin kokatutako irabazi asmorik ez duten kirol klubei zein entitateetarako dirulaguntzen kontzesioa arautzea da. Dirulaguntzak Hernaniko Udalaren Kirol programen helburuekin bat datozen 2024-2025 denboraldiko hainbat kirol programa eta jarduera

antolatzeagatik emango dira, horiek izandako proiektuagatik zein interesagatik.

2. Aurrekontua eta programa

Deialdi honen gastua 2025eko Hernaniko Udaleko 1 2010.481.01.341.00 2025 aurrekontu partidaren kargura egingo da, eta lehiaketa bitartez kontabilizatuko da.

Dirulaguntza ondoko lerroetan banatua dago:

1. lerroa: Ohiko dirulaguntzak (65.000 euro).

2. Lerroa: Ezohiko dirulaguntzak (6.000 euro).

Bi modalitate hauetako partidak lotesleak izango dira, betiere modalitatearen eskari guztiak aztertu eta eslebita izandakoan dirua soberan gelditzen bada. Emandako laguntza guztien batura ezingo da izan horretarako onartutako aurrekontu-kreditua(k) baino handiagoa.

3. Onuradunak

Dirulaguntzak eskuratzeko aukera izango dute Hernanin kokatutako irabazi asmorik gabeko entitate juridiko pribatuak. Horien jarduerak deialdi honetan zehaztutako eremuetan burutuak izan behar dute.

Kasu zehatzetan, eta Hernaniko Udaleko Jarduera Fisikoa eta Kirol delegatuak hala zehaztutakoan, Hernanitik kanpo kokatutako entitateek ere izango dute dirulaguntzak eskuratzeko aukera, betiere, antolatutako jardueren zati handi bat udalerrian bertan egin denean edota udalerriarentzat interesgarriak direla ikusitakoan.

Entitateak indarrean dagoen araudiaren arabera erabakitakoa izan behar du, eta Eusko Jaurlaritzako Kirol Elkarteen eta Entitateen Erregistro Orokorrean, zein Elkarteen Hernaniko Udal Erregistroan izena emanda egon beharko du.

Hori dela eta, irabazi asmorik gabeko entitateak honako honako hauek izango dira: bere helburuarekin bat datozen jarduerak antolatzen dituen elkarteak eta horien irabaziak entitatearen helburuetarako inbertitzen dituenak.

4. Dirulaguntzen ordainketa.

Dirulaguntzen gutxiak kopuruak, bakarrik edota beste diru laguntzekin zein beste Administrazio Publikoen edo Erakunde publikoen zein pribatuen laguntzekin batera, ez du onuradunak garatu beharreko jardueraren kostua (defizita) gaindituko. Ebaluazio irizpideak baloratu ostean, ohiko dirulaguntzei dagokienez, kirol klub bakoitzari ordainduko zaio puntu bakoitzak duen balioa klubak lortu dituen puntuekin biderkatuta lortzen den diru kopurua.

Ezohiko dirulaguntzei dagokienez, klub bakoitzari ordainduko zaio proportzionalki dagokiona aurkeztutako gastuen arabera.

Eskaerak ebatzeko eskumena duen organoa Hernaniko Alkatetza da.

Ebazpena, kasu guztietan, idatzita eta arrazoi guztiak azalduta jakinaraziko da, eta ebazpena positiboa bada, dirulaguntza kopurua, ordainketa modua, justifikazio forma (fakturen kopiak) eta

gainerako baldintzak zein oinarri hauetan exijitutako guztia zehaztuko da.

Ordainketa modua: Ebazpena jakinarazi ostean % 100.

5. Gastu eta sarreraren zuriketa

Balantze ekonomikoa, sarreraren eta gastuen deskribapen zehatzarekin: gastuen eta sarreraren zerrenda zenbakitua eta sailkatua. Gastuen kapituluan, fakturarekin edota ordainagiriekin egiten diren gastuak baino ez dira hartuko kontuan, ez tikeak ez eta antzekoak. Horretarako, balantze ekonomikoan zehaztu beharko dira honako datuak:

Fakturak: faktura-zenbakia, jaulkipen-data, hornitzailea, gastuaren xedea, zenbatekoa BEZik gabe, eta ordainketa-data.

Ordainagiriak: zenbakia, banku-erakundea, ordainketa-data, onuraduna, kontzeptua eta zenbatekoa.

Dirulaguntza eskatzeko, ez da beharrezkoa izango faktura edo ordainagiria aurkeztea, baina udalak beretzat gordeko du edozein unetan gastuaren egiaztagiria eskatzeko eskubidea, dirulaguntza eman eta gehienez 4 urtera arte, 2003ko diru-laguntzei buruzko lege orokorraren 39. artikuluan zehazten den bezala.

A) 1. LERROA: OHIKO KIROL JARDUERAK

A.1. Eskabideak aurkeztea

1. Dirulaguntza eskatzeko eskari ofizialak erabiliko dira behar bezala beteak eta sinatuak **(I.ERANSKINA)**. Udalak gonbidatzen zaitu euskara hutsezkoa erabiltzera. Hernaniko Kiroldegiaren bulegoetan eskura daiteke eskaera orriak goizeko 09:00etatik eguerdiko 13:30era, astelehenetik ostiralera edota Hernaniko web gunean.

Hernaniko Udalak, NISAE datuen bitartekaritza plataforma bidez, deialdian parte hartzeko ondoko datuak egiaztatuko ditu . Eskatzaileak aurka eginez gero, deialdian eskatutako egiaztagiria aurkeztu beharko ditu:

- Foru Ogasunak - PFEZaren kontsulta.
- Gizarte Segurantzaren Diruzaintza Orokorra. Gizarte Segurantzarekiko betebeharren ordainketa egunean izatearen kontsulta.
- Foru-ogasunak - Zerga-betebeharren ordainketa egunean izatearen kontsulta.

2. Eskariekin batera ondoko dokumentazio hau aurkeztu behar da.

a) Klubaren estatutuak, duela gutxi eratutakoa bada.

b) IFKren kopia, legezko ordezkariaren NANA eta ordezkatzeko lege ahalmena duela ziurtatzen duen agiria

c) Entitate eskatzaileak irekitako kontu baten titulartasunaren akreditazioa **(II.ERANSKINA)**.

d) Instituzio erakunde eta abarrei egindako dirulaguntza eskaeren edota jasotako kopuruaren zinpeko aitorpena. **(III.ERANSKINA)**

e) Entitate eskatzailearen denboraldiko **MEMORIA** ondokoa zehaztuta **(IV ERANSKINA)**:

1. ATALA. KLUBAREN DATUAK

- 1.1. Abian den urteko Hernaniko kirolari edo federatu kopurua generoaren arabera, eta horien zerrenda; betiere klubeko kide direnak eta dagokion federazioak emanda.
- 1.2. Talde kopurua, maila eta generoa zehaztuta.
- 1.3. Entrenatzailen kopurua eta titulazio maila generoaren arabera.

2. ATALA. GARRAIOA.

2024-2025eko ekitaldiko balantze ekonomikoa deskribapen zehatzarekin, eta diru sarreren zein gastuen justifikazioa..

3. ATALA. *Herritar guztientzako promozioko kirol jardueren antolaketa.* Jarduera bakoitzaren dokumentazioa atxiki behar da.

4. ATALA. *Emakumezkoen eta gizonezkoen arteko berdintasun sustatzeko bereziki antolatutako jarduerak eta hartutako erabakiak.*

5. ATALA. *Udalak antolatutako ekintzetan laguntzea.*

6. ATALA. *Euskara normalkuntzarako eta sustapenerako bereziki antolatutako jarduerak eta proiektuak.*

7. ATALA. *2024-2025 ekitaldiko balantze ekonomikoa deskribapen zehatzarekin, gastu eta sarreren zerrenda zenbakituarekin, eta sailkatua kontzeptuen arabera antolatuta.*

f) Hizkuntz irizpideen betetze maila adierazten duen agiria (**V. ERANSKINA**) beteta.

Udalak euskararen erabilera normalizatzeko eta herritarren hizkuntza eskubideak bermatzeko badu Erabilera Plana onartua. Plan horren arabera hauek dira bete beharreko hizkuntza irizpideak:

a.-Diruz lagundutako jarduera adingabeentzat edo gazteentzat denean (entrenamenduak, aldageletako tertuliak, aholkuak, material idatzia, oharrak...) jarduera euskaraz izango da, ahoz eta idatziz.

b.- Herritar ororentzako idatzizko komunikazioa (egitarauak, kartelak, publizitatea eta jarduera egiteko espazio publikoa erabili behar izanez gero, bertan jarritako idatziak barne) euskaraz izango da. Komunikazioa bermatzeko beste hizkuntzaren bat erabili behar bada, euskara erabiliko da lehentasunez.

c.-Herritar ororentzako ahozko komunikazioa (jardueraren aurkezpen, megafonia..) euskaraz izango da. Komunikazioa bermatzeko beste hizkuntzaren bat erabili behar bada, euskara erabiliko da lehentasunez.

d.- Udalarekiko harremanetan euskara erabiliko da lehentasunez, ahoz eta idatziz.

Idatzizko testuan honela emango zaio lehentasuna euskarazko mezuari:

- Euskarazkoa nabarmendu, letra handiagoa edo lodia erabiliz.
 - Euskarazkoa beltzez eta gaztelaniazkoa grisez idatziz.
 - Euskarazko testua goiko aldean edo ezkerrean idatziz.
 - Beste modu batzuk: Osagai batzuk euskara hutsean emanaz: kopuruak, toki-izenak, datak.
- Testua osorik euskaraz eta laburpena gaztelaniaz emanaz

Udaleko Euskara Zerbitzuak beharrezko laguntza emango du, euskarazko testua zuzen eta egokia dela bermatzeko.

g) Erantzukizunpeko adierazpena **(VII. ERANSKINA)**

Gastuak zurrizko tiketak eta antzekoak ez dira inolaz ere onartuko. Gastua justifikatzeko onartzen diren moduak bi baino ez dira: Fakturak eta/edo klubaren kontu korrontetik egindako transferentzien egiaztagirak, non pertsona juridiko edo fisiko batek zenbatekoa jaso duela jasotzen den

Ez dira inondik inora diruz laguntzeko modukoak izango banku kontuetako interes zordunak, gaitzarga nahiz isun administratibo eta penalak, eta auzi prozeduretako gastuak. Tributuak gastu subentzionaerriak dira entitate onuradunak benetan ordaintzen dituenetan. Inoiz ez dira lagun daitezkeen gastutzat joko zeharkako zergak (BEZ zerga...) -berreskuratzeko edo konpentsatzeko modukoak izanez gero- edo norberaren errentaren gaitzko zergak.

Pertsona interesatuek hala deklaritzen badute eta Hernaniko Udalak oinarri hauetan eskatutako dokumentuak berak dituela ikusten badu, ez da ezertxo ere aurkeztu beharrik izango.

Nolanahi ere, eskatutako dokumentazioaz gain, Udalak beharrezkoa iruditzen zaion informazio osagarria eskatu ahal izango du, aurkeztutako jarduera baloratzeko.

A.2. Ebaluatze irizpideak.

Ohiko jarduerak diruz laguntzeko jarritako kopurua **(65.000€)**. Kopuru hori zati Klubei edo kirol taldeei esleitutako puntuak egingo da (jarraian jasotako balorazio adierazleen arabera), modu horretan puntu baten balio ekonomikoa kalkulatu da. Balio ekonomikoa horrek bider kirol klubari esleitutako puntuak zehaztuko du atal bakoitzeko dirulaguntzaren zenbatekoa. Atal guztien baturak xedatu du Klub bakoitzari eman beharreko zenbateko osoa.

Dirulaguntza jasotzeko aukera izateko; gutxienez 8 federazio-lizentzia beharko dira.

Ohiko jarduera diruz laguntzeko jarritako kopurua, honako ehunekoetan banatu da, atalaren arabera:

1. atala diruaren % 45
2. atala diruaren % 25
3. atala diruaren % 7
4. atala diruaren % 10
5. atala diruaren % 3
6. atala diruaren % 10

1 atala Klubaren jardueraren datuak	
Lizentziak	Mutilak: 1 puntu Neskak: 2 puntu Hernaniar herritar lizentzia bakoitzeko: 1 puntu
Maila (Talde bakoitzeko)	Gipuzkoa: 1 puntu Euskal Herria 2 puntu Espainiakoa: 3 puntu Nazioartekoa: 4 puntu
Entrenatzaileak	Lizentziatuak eta III. mailako entrenatzailea: 4 puntu. II. mailako entrenatzailea edo autonomikoa: 2 puntu. I mailako entrenatzailea edo eskualdekoa: 1 puntu. Titulurik gabeko entrenatzailea: 0 puntu. * Emakumeen lizentzia bakoitzeko
Gizarte bazterkeria jasateko arriskuan dauden sarbidea erraztea kirolari lizentzia bakoitzeko	Mutilak: 1 puntu Neskak: 2 puntu

*) Puntuatzeko nahitaezkoa da fitxa aurkeztea.

Txapelketa ofizialetan parte hartzen ez duten kirol modalitateei, lizentzia kopuruaren aitortza honela egingo zaie: txapelketa ofizialetan parte hartzen duten klubaren artean lizentzia gehien dituen klubaren kopuru bera esleituko zaie, betiere dagokion modalitateak klub horrek baino lizentzia gehiago baditu.

2 atala: GARRAIOA	
Garraioa arloa	Txapelketako ofizialak
Gipuzkoa	1 puntu
Euskal herria	3 puntu
Espainia	5 puntu
Nazioartea	7 puntu

3. atala: Guztientzako kirola eta promoziozko jarduerak antolatzea	
Urtez urte antolatutakoa	10 puntu
Unean une antolatutakoa/	15puntu
Aniztasun funtzionala dutenentzako edo kirol inklusiboko jarduerak antolatzea	15 puntu

Kontuan hartuko dira Eusko Jaurlaritzaren 2/2024 Euskadiko Jarduera Fisikoa eta Kirolaren Legearen arabera euskal ondare direnak, hau da, herri kirolak, pilota modalitate guztiak, arrauna, eta boloak.

4. atala: Emakumezkoen eta gizonezkoen arteko berdintasun sustatzeko bereziki antolatutako jarduerak eta hartutako erabakiak*

Berdintasun plana edukitzeagatik/Por tener plan de igualdad	8 puntu
Berdintasun ekintza positibo bakoitzeko	5 puntu

Balorazio irizpideak 5 arlo hauetan oinarrituko dira:

1. Klubaren antolakuntzan eta funtzionamenduan emakumeen ardurak eta agente-postuetan sartzeko ekintzak
2. Aurrekontuen kudeaketan, emakumeen parte – hartze sustapenerako edota baldintzak hobetzeko aurrekontu bereziak
3. Kirol proiektuan, emakumeen jokalaria, entrenatzaile, delegatu eta abar partaidetza ekintzak
4. Formazio proiektuetan klubaren estrukturan parte hartzeko edota entrenatzaile ardurak hartzeko
5. Komunikazioan, lehentasunak irudietan, dokumentazioetan, hizkuntzan, besteak beste, ekintzak

5. atala: Udalak zuzenean antolatutako ekintzetan laguntzea/Colaboración en actividades organizadas directamente por el Ayuntamiento

Por cada acción o actividad subvencionada al Ayuntamiento durante la temporada	10 puntu
--	----------

6. atala: Euskararen sustapena/Promoción del euskara

Euskara plana edukitzeagatiak/Por tener plan de euskara	5 puntu
Hurrengo denboraldian Euskara plana diseinatzeko konpromisoa edukitzeagatik/Por tener el compromiso de diseñar el Plan de Euskera en la próxima temporada	3 puntu
Klubean edo elkarteetan euskararen erabilera bultzatzeko egin diren ekintza bakoitzeko/Por cada una de las acciones realizadas para impulsar el uso del euskera en el club o asociación	3 puntu

Klub guztiek aurkeztutako datuekin gutxienez 50 puntu lortu behar dituzte dirulaguntza jaso ahal izateko. Eman beharreko kopuruak inoiz ez du baimendutako gastua gaindituko.

B) 2. LERROA: EZOHICO KIROL JARDUERAK

B.1.. Helburua eta banaketa irizpidea

Hernaniko klubek edo kirol elkarteek dituzten ezohiko gastuei aurre egiteko laguntzea. Ezohiko jarduerak diruz laguntzeko jarritako kopurua **(6.000€)**, aurkeztutako gastuen arabera proportzionalki banatuko da.

B.2. Diruz lagunduko direnak

Diruz lagundu daitezkeen gastuak, hauek izango dira:

- Euskal Herritik kanpora joatea lehiatzera kirol lorpen ofizial bat bada.
- Herrian antolatzen diren txapelketak, baina lehenengo bi urteetan bakarrik.
- Gonbidapen bat jasotzen bada txapelketa batera joateko, baina lehenengo bi urteetan bakarrik.
- Kirol instalazio bat sei hilabete baino gehiago itxita badago, klubei sortzen zaizkien aparteko gastuak.

Hernaniko Udaleko Jarduera Fisikoa eta Kirol Batzordeak eskaerak aztertu ostean, eta Kirol Zuzendaritzak egindako txostena baloratuta, dirulaguntzak nori eman aukeratuko du. Horretarako eskatzaileen eta kopuruaren arteko erlazioa adierazi behar da, hori gauzatzeko erabilitako ebaluazio irizpideak zehaztuta.

B.3. Eskabideak aurkeztea

Dirulaguntzak jasotzeko aukera izan nahi bada, ondoko dokumentazioa aurkeztu behar da:

1. Dirulaguntza eskatzeko eskari ofizialak erabiliko dira behar bezala beteak eta sinatuak **(I.ERANSKINA)**. Udalak gonbidatzen zaitu euskara hutsezkoa erabiltzera. Hernaniko Kiroldegiaeren bulegoetan eskura daiteke eskaera orriak goizeko 09:00etatik eguerdiko 13:30era, astelehenetik ostiralera.

Hernaniko Udalak, NISAE datuen bitartekaritza plataforma bidez, deialdian parte hartzeko ondoko datuak egiaztatuko ditu Eskatzailea aurka eginez gero, deialdian eskatutako egiaztagiria aurkeztu beharko ditu:

- Foru Ogasunak - PFEZaren kontsulta.
- Gizarte Segurantzaren Diruzaintza Orokorra. Gizarte Segurantzarekiko betebeharren ordainketa egunean izatearen kontsulta.
- Foru-ogasunak - Zerga-betebeharren ordainketa egunean izatearen kontsulta.

2. OHIKO dirulaguntza ere eskatzen bada, lerro honen eskabidean VII. ERANSKINA baino ez da erantsi beharko, beteta. Bestela, eskabideekin batera honako agiri hauek aurkeztu beharko dira:

- a) Proiektuaren edota Jardueran xehetasunak **(VII ERANSKINA)**
- b) Klubaren estatutuak, duela gutxi eraturakoa bada.
- c) legezko ordezkariaren NANA eta ordezkatzeko lege ahalmena duela ziurtatzen duen agiria
- d) Identifikazio Fiskaleko Kodea (IFK) dokumentuaren fotokopia.
- e) Entitate eskatzaileak irekitako kontu baten titulartasunaren akreditazioa **(II.ERANSKINA)**.
- f) Institutio erakunde eta abarrei egindako dirulaguntza eskaeren edota jasotako kopuruaren zinpeko aitorpena. **(III.ERANSKINA)**
- g) Bete beharreko hizkuntza irizpideen betetze maila adierazten duen agiria **(VI. ERANSKINA)**
- h) Erantzukizunpeko adierazpena **(VIII. ERANSKINA)**

3. LERROA. KIROL EKINTZA, JARDUERA BEREZIEN ETA FORMAKUNTZA DIRULAGUNTZA

1. Helburua

Deialdi honen helburua da, norgehiagoka araubidez, dirulaguntzak banatzea, 2024-2025 denboraldian zehar, Hernaniko udalerrian, herriko eragileek antolatzeagatik kirol ekitaldi, jarduera bereziak edo entrenatzaile nahiz arbitroen ikastaroak egiteagatik. Jarduera horien xedea da herrian kirola sustatzea, eta ez dute irabazi asmorik izango. Gainera, kirol arloan interes orokorrekoak izan beharko dute.

2. Aurrekontua eta programa

Programa honen bidez deitutako "Dirulaguntza: kirol ekintzak" partidaren 3. Lerroko dirulaguntzen zenbatekoa 10.000 euro izango da eta 2025eko Hernaniko Udaleko 1 2010.481.01.341.00 2025 aurrekontu partidaren kargura, eta lehiaketa bitartez kontabilizatuko da. Modalitate eskaria guztiak aztertu eta esleituta izandakoan dirua soberan gelditzen bada, epealдитik kanpo egiten diren proposamenetan erabili ahal izango da gastatu arte.

3. Onuradunak

Oinarri hauek arautzen dituzten dirulaguntzak eskatu ahal izago dituzte, Hernanin eta Hernanitik kanpo, betire, antolatutako jardueren zati handi bat udalerrian bertan egin denean edota udalerriarentzat interesgarriak direla ikusten bada.

Entitateek indarrean dagoen legediaren arabera eratuta egon beharko dute, eta Eusko Jaurlaritzako Elkarleen Erregistro Orokorrean izena emanda.

4. Eskabideak aurkeztea

Dirulaguntza eskatzeko eskari ofizialak erabiliko dira behar bezala beteak eta sinatuak (**I. ERANSKINA**). Udalak gonbidatzen zaitu euskara hutsezkoa erabiltzera. Hernaniko Kiroldegiaeren bulegoetan eskura daiteke eskaera orriak goizeko 09:00etatik eguerdiko 13:30era, astelehenetik ostiralera.

Hernaniko Udalak, NISAE datuen bitartekaritza plataforma bidez, deialdian parte hartzeko ondoko datuak egiaztatuko ditu . Eskatzaileak aurka eginez gero, deialdian eskatutako egiaztagiria aurkeztu beharko ditu:

- Foru Ogasunak - PFEZaren kontsulta.
- Gizarte Segurantzaren Diruzaintza Orokorra. Gizarte Segurantzarekiko betebeharren ordainketa egunean izatearen kontsulta.
- Foru-ogasunak - Zerga-betebeharren ordainketa egunean izatearen kontsulta.

Eskariekin batera ondoko dokumentazio hau aurkeztu behar da.

- a) Klubaren estatutuak, duela gutxi eratutakoa bada.
- b) IFKren kopia, legezko ordezkariaren NANA eta ordezkatzeko lege ahalmena duela ziurtatzen duen agiria
- c) Entitate eskatzaileak irekitako kontu baten titulartasunaren akreditazioa (**II.ERANSKINA**).
- d) Instituzio erakunde eta abarrei egindako dirulaguntza eskaeren edota jasotako kopuruaren zinpeko aitorpena. (**III.ERANSKINA**)
- e) Erantzukizun adierazpena (**VII. ERANSKINA**)
- e) Jarduerari buruzko xehetasunak

(VIII. ERANSKINA)

f) Hizkuntz irizpideen betetze maila adierazten duen agiria **(V. ERANSKINA)** beteta.

Udalak euskararen erabilera normalizatzeko eta herritarren hizkuntza eskubideak bermatzeko badu Erabilera Plana onartua. Plan horren arabera hauek dira bete beharreko hizkuntza irizpideak:

- a) Diruz lagundutako jarduera adin gabekoei edo gazteei zuzendua denean jarduera euskaraz izango da, ahoz eta idatziz.
- b) Herritar ororentzako idatzizko komunikazioa (egitarauak, kartelak, publizitatea eta jarduera egiteko espazio publikoa erabili behar izanez gero, bertan jarritako idatziak barne) euskaraz izango da. Komunikazioa bermatzeko beste hizkuntzaren bat erabili behar bada, euskara erabiliko da lehentasunez.
- c) Herritar ororentzako ahozko komunikazioa (jardueraren aurkezpen, megafonia..) euskaraz izango da. Komunikazioa bermatzeko beste hizkuntzaren bat erabili behar bada, euskara erabiliko da lehentasunez.
- d) Udalarekiko harremanetan euskara erabiliko da lehentasunez, ahoz eta idatziz.

Idatzizko testuan honela emango zaio lehentasuna euskarazko mezuari:

- Euskarazkoa nabarmendu, letra handiagoa edo lodia erabiliz.
- Euskarazkoa beltzez eta gaztelaniazkoa grisez idatziz.
- Euskarazko testua goiko aldean edo ezkerrean idatziz.
 - Beste modu batzuk: Osagai batzuk euskara hutsean emanez: kopuruak, toki-izenak, datak.
 - Testua osorik euskaraz eta laburpena gaztelaniaz emanez

Udaleko Euskara Zerbitzuak beharrezko laguntza emango du, euskarazko testua zuzen eta egokia dela bermatzeko.

Ez dira inondik inora diruz laguntzeko modukoak izango banku kontuetako interes zordunak, gaitz nahiz isun administratibo eta penalak, eta auzi prozeduretako gastuak. Tributuak gastu subentzisionagarriak dira entitate onuradunak benetan ordaintzen dituenetan. Inoiz ez dira lagun daitezkeen gastutzat joko zeharkako zergak (BEZ zerga...) -berreskuratzeko edo konpentsatzeko modukoak izanez gero- edo norberaren errentaren gaineko zergak.

Soilik, fakturarekin edota ziurtagiriek justifikatutako gastuak hartuko dira kontuan. Epaile eta entrenatzaile formakuntzen kasuan, gainera, ikastaroa gainditu izanaren agiria eta ikastaroen erabilitako material didaktikoaren kopia aurkeztu beharko da.

Pertsona interesatuek hala deklaritzen badute eta Hernaniko Udalak Oinarri hauetan eskatutako dokumentuak berak dituela ikusten badu, ez da ezertxo ere aurkeztu beharrik izango.

Nolanahi ere, eskatutako dokumentazioaz gain, Udalak beharrezkoa iruditzen zaion informazio osagarria eskatu ahal izango du, aurkeztutako jarduera baloratzeko.

5. Diruz lagundu daitezkeen programak

Diruz lagundu ahal izango dira, lehentasunez, Hernaniko udalerrian:

- Gizarte aktiboago bat sustatzen dutenek.
- Bizi ohitura osasungarriak sustatzen dituztenek.
- Kirolean eta jarduera fisikoan Euskararen erabilera bultzatu eta sustatzen duten programek.
- Herritar guztien kirol praktika errazten duten jarduerak diseinatzen dituztenek.
- Emakume eta gizonen arteko berdintasuna bermatzeko ekintzak eta/edo programak sustatzen dituztenek, eta/edo gutxietsita edo bazterkeria arriskuan dauden kolektiboak kontuan hartzen dituztenek.
- Bertako tradizioak berreskuratzea sustatzen dutenek.
- Honako jarduerak egiten dituztenek: gazteen aisialdian arriskuen prebentzioa, aisialdiko jarduerak, bizi kalitatea hobetzeko jarduerak, ezintasunak dituztenentzako jarduerak, gazteek gizartean duten papera sustatu eta indartzeko helburua duten jarduerak.
- Euskaraz (gutxienez %65) burututako entrenatzaile ikastaroak, federazioek, Kirolene nahiz Jarduera Fisikoa eta Kirolaren Euskal eskolarekin elkarlanean antolatuak.
- Euskaraz (gutxienez %65) burututako epaile ikastaroak federazioek, Kirolene nahiz Jarduera Fisikoa eta Kirolaren Euskal eskolarekin elkarlanean antolatuak.

6. Eskaerak ebaluatzeko irizpideak

Oinarri hauetan zehaztutako kirol ekitaldi, jarduera bereziak eta formakuntza jarduerak diruz laguntzeko zehaztutako zenbateko guztia, epe barruan aurkeztutako eskaera guztiak kontutan hartuz, honako kontzeptu eta irizpideen arabera banatuko dira.

Gehienez 100 puntu eskuratu ahal izango dira, honela banatuta:

Aurkeztutako proiektuaren kalitate teknikoa (10 puntu gehienez)	- Diseinua, metodología eta egokiera(5 puntu) - Berrikuntza maila(5 puntu)
Proiektuaren balorazioa (15 puntu gehienez)	- Gizarte aktiboago bat sustatzea(5 puntu) - Bizi ohitura osasungarriak sustatzen dituztenek (5 puntu) - Herritar guztiei zuzendutako kirol praktika errazten duten jarduerak diseinatzen dituztenek (5)
Parte hartzea doakoa/ Participación gratuita	Parte-hartzea doakoa bada: 10 puntu.
Berdintasuna (gehienez ere 30 puntu)	Ekitaldia emakumeen parte-hartzea sustatzeko berariazko ekimena 10 puntu. Antolakuntza barruko, boluntarioen eta langileen artean % 50 baino gehiago emakumeak badira 5 puntu.
Dibertsitate funtzionala duten herritarren parte-hartzea bultzatzea(gehienez 10 puntu)	Kolektibo horientzat bereziki prestatutako eskaintza bada (10 puntu) Inklusioa bultzatzen duen ekitaldia edo jarduna bada (10 puntu)
Kultur aniztasuneko herritarren parte hartzea sustatzea (15 puntu gehienez)	Jarduera Fisikoan eta Kirolean migratzaile eta jatorri anitzeko pertsonen parte hartzea bultzatzen duen ekintza (10 puntu) Kulturartekotasun jarduerak sustatzea (5 puntu)
65 urtetik gorako herritarrei berariaz	Bakarrik bizi direnenei zuzenduak (10 puntu)

zuzenduriko ekitaldi edo jarduera (gehienez 10 puntu)	Mugimendua eta osasuna sustatzen dituztenak(10 puntu)
Euskal Pilota eta Herri Kirolak (10 puntu gehienez)	Bai (10 puntu)
Euskararen sustapena (gehienez 40 puntu)	5 puntu % 65aren formazioa euskaraz jasotzeagatik ikastaro bakoitzeko (gutxienez 10 ordukoak) 5 puntu euskara plana edukitzeagatik 3 puntu Euskara Plana diseinatzeko konpromisoa izateagatik
Entrenatzaile ikastaroa (gehienez 40 puntu)	5 puntu ikastaroa 10 ordutik gorakoa bada, 10 puntu 20 ordutik gorakoak, 20 puntu 40 ordutik gorakoa
Epaile ikastaroa (gehienez 40 puntu)	5 puntu ikastaroa 10 ordutik gorakoa bada, 10 puntu 20 ordutik gorakoak, 20 puntu 40 ordutik gorakoa

7. Dirulaguntzen ordainketa

Dirulaguntzaren zenbatekoa eskatzaileak aurkeztutako dokumentazioaren arabera finkatuko da eta ezingo da izan antolatu beharreko kirol ekintza edo jarduera bereziaren kostua baino handiagoa.

Ebaluazio irizpideak baloratu ostean, jarduera berezi eta formakuntzen kasuan, kirol klub bakoitzari ordainduko zaio puntu bakoitzak duen balioa klubak lortu dituen puntuekin biderkatuta lortzen den diru kopurua.

Gutxienez balorazio 20 puntu lortzen ez dituzten eskaerak baztertu egingo dira.

Ekitaldi bakarrak ezingo du dirulaguntza osoaren %40 baino gehiago eskuratu.

Ez zaizkio emango 2 dirulaguntza baino gehiago entitate berari.

Ekintza edo jarduera berezia ezin izango da bi dirulaguntzetara aurkeztu (kultura, san joanak, ez ohikoak...).

Kirol ekintza edo jarduera bereziaren gastu bezala honako hauek baino ez dira kontuan hartuko, ekitaldiko, torneo edo txapelketa gastuak:

- federazioaren kanona, arbitrajeak, kartelak, materiala (bolak, pilotak...), garaikurrak, segurtasuneko materiala (zintak...).

Beste gastu batzuk: begiraleen gastuak, aseguruak, anbulantzia, zaintza zerbitzua...

Ikastaroen kasuan ez da inoiz ordainduko gastuaren %80 baino gehiago, eta formakuntzarako dirulaguntza ez da inoiz 2000€ baino gehiago izango. Onartutako eskaeren zenbateko osoak atal honetara bideratutako 2000€ak gainditzen badu, onartutako eskabide guztien artean hainbanaketa egingo da.

Behin betiko dirulaguntzaren jakinarazpena eman dela jakinarazi ondoren, ordainketa tramitatuko da.

Ordainketa era honetan gauzatuko da:

Ebazpena, kasu guztietan, idatzita eta arrazoi guztiak azalduta jakinaraziko da, eta ebazpena positiboa bada, dirulaguntza kopurua, ordainketa modua, justifikazio forma (fakturen kopiak) eta gainerako baldintzak zein oinarri hauetan exijitutako guztia zehaztuko da.

Ordainketa modua: Ebazpena jakinarazi ostean % 100.

Dirulaguntzen guztizko kopuruak, bakarrik edota beste diru laguntzekin zein beste Administrazio Publikoen edo Erakunde publikoen zein pribatuen laguntzekin batera, ez du onuradunak garatu beharreko jardueraren kostua (defizita) gaindituko.

Eskaerak ebazteko eskumena duen organoa Hernaniko Alkatetza da.

Jarduera berezien eta formakuntza dirulaguntzen zenbateko osoa atal honetara bideratutako zenbatekoa baino txikiagoa bada, soberan gelditzen den diru kopurua oinarri hauetako ohiko kirol ekintzen atalaren aurrekontua handitzeko erabiliko da.

8. Gastu eta sarreraren zuriketa

Balantze ekonomikoa, sarreraren eta gastuen deskribapen zehatzarekin: gastuen eta sarreraren zerrenda zenbakitua eta sailkatua. Gastuen kapituluan, fakturarekin edota ordainagiriekin egiten diren gastuak baino ez dira hartuko kontuan, ez tikeak ez eta antzekoak. Horretarako, balantze ekonomikoan zehaztu beharko dira honako datuak:

Fakturak: faktura-zenbakia, jaulkipen-data, hornitzailea, gastuaren xedea, zenbatekoa BEZik gabe, eta ordainketa-data.

Ordainagiriak: zenbakia, banku-erakundea, ordainketa-data, onuraduna, kontzeptua eta zenbatekoa.

Dirulaguntza eskatzeko, ez da beharrezkoa izango faktura edo ordainagiria aurkeztea, baina udalak beretzat gordeko du edozein unetan gastuaren egiaztagiria eskatzeko eskubidea, dirulaguntza eman eta gehienez 4 urtera arte, 2003ko diru-laguntzei buruzko lege orokorraren 39. artikuluan zehazten den bezala.

9. Ez betetzea

Oinarri hauetan ezarritako betebeharren bat ez bada, dirulaguntza berraztertu egingo da eta, hala badagokio, baliogabetu edo emandako diru kopurura itzuli egin beharko da.

Dirulaguntza itzultzeko prozedura ofizioz hasiko da, dirulaguntza eman zuen organoaren eskariz, eta hala badagokio, emandako dirulaguntza baliogabetzea, murriztea edo itzultzea erabaki ahal izango da, behar bezala arrazoituta. Prozeduraren izapideetan interesatuaren entzute eskubidea bermatuko da.

Hernani, 2025eko xxxx xxan.

Xabier Lertxundi Asteasuinzarra
Batzordeburua

